

# 《佛說無量壽經》 補充講表

## ◎附表十七：

○佛告阿難：爾時，法藏比丘說此願已，以偈頌曰：

◆《唐譯》、《宋譯》並云：「承佛威力而說頌曰」，今本（魏譯）無者，省略而已。

◆重說偈頌目的：為顯超世之願，疾欲得證果而決志進趣，故有此偈頌。

○我建超世願，必至無上道，斯願不滿足，誓不成等覺。

◆「超世」：上來所說六八願，皆超踰二百一十億諸佛之本願也。

○離欲深正念，淨慧修梵行，志求無上尊，為諸天人師。

◆「離欲」：因修持戒定慧，而不著諸法之故。「深正念」：深達實相，「淨慧」：寂而常照，

以般若融修無量法門，故云：「修梵行」也。

○閉塞諸惡道，通達善趣門。

◆閉塞諸惡道：令出五道也。通達善趣門：往生安樂也。

○為眾開法藏，廣施功德寶，常於大眾中，說法師子吼。

◆法藏：約教，即是八萬四千一切法門藏。約理，法性本有，即為如來藏。

◆師子吼：有其多義，略說三種：

一、如說修行：所說如所行，所行如所說，無有虛說，故名『師子吼』；

二、無畏說：（一）、不畏於百獸，（二）、令百獸生畏，大士演法義亦同；

三、決定說：此借師子性情為喻，如師子度河，望直而過，若使邪曲，即是回還。菩薩演

教義亦如是，依究竟了義教，若不究竟，即便不說。

○法藏比丘說此頌已，應時普地六種震動，天雨妙華，以散其上。

※《大智度論》卷八云：「

諸阿羅漢及諸天不能具足動，唯佛世尊能令大地六種震動。

佛何以故震動三千大千世界？欲令眾生知一切皆空、無常故。有諸人言：【大地及日月、須彌、大海，是皆有常。】是以世尊六種動地，示此因緣，令知無常。復次，如人欲染衣，先去塵土；佛亦如是，先令三千世界眾生見佛神力，敬心柔軟，然後說法，是故六種動地。」

○兆載永劫：謂無限久遠之時間。兆、載，均為極大之數目名稱。

○修法身行（念念與真如自性相應）

※《大乘起信論》云：「以是菩薩從初正信已來，於第一阿僧祇劫將欲滿故，於真如法中，

深解現前，所修離相。以知法性體無慳貪故，隨順修行檀波羅蜜。以知法性無染，

離五欲過故，隨順修行尸波羅蜜。以知法性無苦，離瞋惱故，隨順修行羼提波羅

蜜。以知法性無身心相，離懈怠故，隨順修行毘梨耶波羅蜜。以知法性常定，體

無亂故，隨順修行禪波羅蜜。以知法性體明，離無明故，隨順修行般若波羅蜜。」

○不生欲覺、瞋覺、害覺，不起欲想、瞋想、害想，不著色、聲、香、味、觸、法。

◆覺者，新譯作「尋思」，猶言念。

※《靈峰宗論》云：「強觀諸法（所觀境）無實，惟心所現，則心外無法；次觀心（能觀之心）無形相，覓之了不可得，則法外無心」。

○忍力成就：以下糅合懺雲老和尚《佛遺教表解》

◆三忍：慈必具忍，忍為慈本，慈忍二心，修法相通。

一、生忍（眾生忍）有二：（一）於人之恭敬供養種種順境，忍而不執。

（二）於人之瞋罵打害種種逆境，忍而不瞋。

二、法忍（苦行忍）有二：（一）於心法：瞋恚、憂愁等諸煩惱，能安忍而不執。

（二）於非心法：寒熱、風雨、饑渴、老病死等，能安忍而不執。

三、無生法忍：諦觀諸法，緣生性空，而安住於無生之理，心無妄動。

○不計眾苦（精進度）

※《大乘起信論》云：「云何修行進門？所謂於諸善事，心不懈退，立志堅強，遠離怯弱。

當念過去久遠已來，虛受一切身心大苦，無有利益。是故應勤修諸功德，自利利他，速離眾苦。復次，若人雖修行信心，以從先世來，多有重罪惡業障故，為邪魔諸鬼之所惱亂；或為世間事務種種牽纏；或為病苦所惱；有如是等眾多障礙，是故應當勇猛精勤，晝夜六時，禮拜諸佛，誠心懺悔，勸請、隨喜、迴向菩提，常不休廢，得免諸障，善根增長故。」

○少欲知足。

※《佛遺教經》云：「汝等比丘，當知多欲之人，多求利故，苦惱亦多；少欲之人，無求無欲，則無此患。直爾少欲，尚宜修習，何況少欲能生諸功德！少欲之人，則無諂曲以求人意，亦復不為諸根所牽。行少欲者，心則坦然，無所憂畏，觸事有餘，常無不足。有少欲者，則有涅槃。是名少欲。」

※《佛遺教經》云：「汝等比丘，若欲脫諸苦惱，當觀知足。知足之法，即是富樂安隱之處。知足之人，雖臥地上，猶為安樂；不知足者，雖處天堂，亦不稱意。不知足者，雖富而貧；知足之人，雖貧而富。不知足者，常為五欲所牽，為知足者之所憐愍。是名知足。」

### ○三昧常寂

◆三昧：正定、正受。（新譯）三摩地，即等持也。等：平等，明靜不動；持：心一境性。

※《佛遺教經》云：「汝等比丘，若攝心者，心則在定。心在定故，能知世間生滅法相。是故汝等，常當精勤修習諸定。」

### ○無有虛偽、諂曲之心

※《佛遺教經》云：「汝等比丘，諂曲之心，與道相違，是故宜應質直其心。當知諂曲，但為欺誑，入道之人，則無是處。是故汝等，宜當端心，以質直為本。」